



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՈՏԱՅՔԻ ՄԱՐԶԻ ԱՐԴԱՅԱՆ ՀԱՄԱՅՆՔԻ ՂԵԿԱՎԱՐ

Ո Ր Ո Շ ՈՒ Մ

10 հոկտեմբերի 2018 թվականի N 1090

ԿԱՐԱՊԵՏ ԽԱՉԱՏՐՅԱՆԻ ՆԿԱՏՄԱՄԲ ԳՈՒՅՔԱՀԱՐԿԻ ԳՈՒՄԱՐԻ ԳԱՆՁՄԱՆ
ՊԱՀԱՆՋ ՆԵՐԿԱՅԱՑՆԵԼՈՒ ՄԱՍԻՆ

Համաձայն «Տեղական ինքնակառավարման մասին» օրենքի 35-րդ հոդվածի 1-ին մասի 24-րդ կետի, 38-րդ հոդվածի 1-ին մասի 4-րդ կետի, «Վարչարարության հիմունքների և վարչական վարույթի մասին» օրենքի 30-րդ հոդվածի 1-ին մասի «բ» ենթակետի, 53-րդ, 58-60-րդ հոդվածների, «Գույքահարկի մասին» օրենքի 2-րդ, 3-րդ հոդվածների, 4-րդ հոդվածի 1-ին մասի, 13-րդ հոդվածի 3-րդ մասի, իրավահարաբերության պահին գործող «Հարկերի մասին» օրենքի 23-րդ հոդվածի և 29.1-ին հոդվածի 1-ին մասի, հիմք ընդունելով վարչական վարույթի քննարկման մասին 2018 թվականի հոկտեմբերի 08-ի արձանագրությունը, Արմավյանի համայնքապետարանի ֆինանսատնտեսագիտական բաժնի կողմից 11.09.2018թ. տրված N 295590028840103104 տեղեկանքը, որի համաձայն Կարապետ Խաչատրյանին սեփականության իրավունքով պատկանող Արմավյան քաղաքի Հանրապետության փողոցի թիվ 17 հասցեում գտնվող շինության գույքահարկի գծով պարտավորությունը 2008-2017 թվականների համար 11.09.2018թ. դրությամբ կազմում է 96 210 դրամ, որից՝ ապառք՝ 63 450 դրամ, տույժ՝ 32 760 դրամ: Հաշվի առնելով այն հանգամանքը, որ Կարապետ Խաչատրյանը սահմանված ժամկետում չի կատարել գույքահարկի գծով իր պարտավորությունները՝

1. Կարապետ Խաչատրյանից հոգուտ Արմավյան համայնքի բյուջե գանձել 96 210 (իննսունվեց հազար երկու հարյուր տասը) դրամ գույքահարկի գումար (վճարման հաշվեհամար՝ 900105201751):

2. Սույն որոշումը կարող է վարչական կարգով բողոքարկվել Արմավյան համայնքի ղեկավարին՝ դրա ուժի մեջ մտնելու օրվանից երկու ամսվա ընթացքում կամ դատական կարգով Հայաստանի Հանրապետության վարչական դատարան՝ երկամսյա ժամկետում:

3. Սույն որոշման պահանջները չկատարելու դեպքում «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով այն ենթակա է հարկադիր կատարման՝ Հայաստանի Հանրապետության արդարադատության նախարարության դատական ակտերի հարկադիր կատարման ծառայության միջոցով՝ անբողոքարկելի դառնալուց հետո եռամսյա ժամկետում:

4. Սույն որոշումն ուժի մեջ է մտնում Կարապետ Խաչատրյանին որոշման ընդունման մասին իրազեկելու օրվան հաջորդող օրվանից:

ՀԱՄԱՅՆՔԻ ՂԵԿԱՎԱՐ

Վ. ԳԵՎՈՐԳՅԱՆ



2018թ. հոկտեմբերի 10
ք. Արմավյան